



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: T20 0 KTRZ 0024892 23

Datum: 22.01.2024. godine

Sudu Bosne i Hercegovine
Sudiji za prethodno saslušanje

Na osnovu člana 35. stav 2. tačka i), člana 226. stav 1. i člana 227. stav 1. Zakona o krivičnom postupku Bosne i Hercegovine (ZKP BiH) podižem:

Optužnicu

Protiv:

Blagojević Vidoje, rodenog 1950.
godine u Bratunacu,
državljanina Bosne i Hercegovine i Republike Srbije,

Arapović Ivana zv. „Šicer“, rodenog 1964.
godine u Zvorniku,
državljanina Republike Srbije i Bosne i Hercegovine,

Arapović Milana zv. „Top“, rodenog 1962.
godine u Zvorniku,
državljanina Republike Srbije i Bosne i Hercegovine,

Pejić Koste zv. „Burek“, rodenog 1961. godine u
Zvorniku,
državljanina Bosne i Hercegovine,

5. Radić Bože zv. „Bobo“, rodenog 1953. u
Zvorniku,

državljanina [redacted] Bosne i Hercegovine, [redacted]

6. **Savić Mile zv. „Cuko“**, rođenog [redacted] 1964. godine u [redacted] Zvorniku, državljanina [redacted] Bosne i Hercegovine i Republike Srbije, [redacted]

7. **Blagojević Mile zv. „Patak“**, rođenog [redacted] 1966. godine u Zvorniku, državljanina [redacted] Bosne i Hercegovine, [redacted]

Pejić Ljubiše zv. „Čađo“, rođenog [redacted] 1964. godine u [redacted] Zvorniku, državljanina [redacted] Bosne i Hercegovine, [redacted]

c. [redacted]

9. **Vasiljević Steve zv. „Kuružnjak“**, rođenog [redacted] 1962. u [redacted] Zvorniku, državljanina [redacted] Bosne i Hercegovine, [redacted]

Pejić Branka, rođenog [redacted] 1964. godine u [redacted] Zvorniku, državljanina [redacted] Bosne i Hercegovine, [redacted]

a. [redacted]

11. **Radović Verice**, rođene [redacted] 1955. godine u [redacted] Loznici, [redacted]

državljanke Republike Srbije i Bosne i Hercegovine,

Što su:


U periodu od 31.05.1992. godine do 25.06.1992. godine na području općine Zvornik, za vrijeme rata u Bosni i Hercegovini i u vrijeme oružanog sukoba između Vojske Republike Srpske (VRS) i Armije Republike Bosne i Hercegovine (Armija.R BiH) na području općine Zvornik, te u vrijeme širokog i sistematičnog napada vojnih, paravojnih i policijskih snaga tzv. Srpske Republike BiH, a potom Republike Srpske, usmjerenog protiv civilnog muslimanskog stanovništva općine Zvornik, a koji napad je trajao od 08.04.1992. godine pa najmanje do kraja augusta 1992. godine, znajući i za oružani sukob, ali i za širok i sistematičan napad te da njihove radnje čine dio tog napada, pa su tako:


II. TŠC u Karakaju - nezakonito zatvaranje i nečovječno postupanje prema oko 700 muslimanskih civila te ubistvo i prisilni nestanak najmanje 150 muslimanskih civila


A. Osumnjičeni Arapović Ivan zv. „Šicer“, Arapović Milan zv. „Top“, Pejić Kosta zv. „Burek“, Radić Božo zv. „Bobo“, Savić Mile zv. „Cuko“, Blagojević Mile zv. „Patak“, Pejić Ljubiša zv. „Čađo“, Vasiljević Stevo zv. „Kuružnjak“, Pejić Branko i Blagojević Vidoje

U periodu od 01.06.1992. do 05.06.1992. godine u prostorijama TŠC u Karakaju – općina Zvornik, Arapović Ivan zv. „Šicer“, Arapović Milan zv. „Top“, Pejić Kosta zv. „Burek“, Radić Božo zv. „Bobo“, Savić Mile zv. „Cuko“, Blagojević Mile zv. „Patak“, Pejić Ljubiša zv. „Čađo“, Vasiljević Stevo zv. „Kuružnjak“ i Pejić Branko, kao pripadnici Karakajske čete pod komandom [REDACTED] koja je do 02.06.1992. godine bila u sastavu TO Zvornik, a od 02.06.1992. godine u sastavu Zvorničke brigade VRS pod komandom komandanta brigade - potpukovnika Blagojević Vidoje,

prema oko 700 civila muslimanske nacionalnosti starosti od 15 do 70 godina koji su tog dana dovezeni pred TŠC u Karakaju, a zatim zatvoreni i to:







postupali suprotno pravilima međunarodnog humanitarnog prava, i to kršeći odredbe zajedničkog člana 3. Ženevskih konvencija od 12.08.1949. godine, člana 147. Ženevske konvencije o zaštiti civilnih lica za vrijeme rata od 12.08.1949. godine kao i odredbi

Dopunskog protokola II uz Ženevske konvencije i to člana 4. stav 1.¹ i stav 2. tačka a) i e), i člana 5. stav 1. tačka b) i d),² te stav 2. tačka d) i e),³ svjesno i voljno, kao stražari, zajedno:

1. **nečovječno postupali** prema tačno **individualno neutvrđenim od oko 700 prethodno imenovanih civila muslimanske nacionalnosti** starosti od 15 do 70 godina, učinjenom u namjeri nanošenja velikih patnji, ozbiljne fizičke i psihičke povrede, i to tako da su:

- a. dana 01.06.1992. godine, zajedno sa drugim neidentifikovanim osobama, prethodno poimenično prinudno dovedene muslimanske civile, koji su natjerani da skoče sa kamiona i izađu iz autobusa, a zatim da se upute prema sali koja se nalazila pored zgrade osnovne škole, a zatim dok su ovi civili tjerani prema sali, natjerani su da prođu kroz špalir srpskih vojnika poredanih sa obje strane, a **u tom špaliru su se nalazili Arapović Ivan, Arapović Milan, Pejić Kosta, Radić Božo, Savić Mile, Blagojević Mile, Pejić Ljubiša, Vasiljević Stevo i Pejić Branko**, koji su zajedno sa drugim neidentifikovanim osobama, poimenično tačno neutvrđene od imenovanih prinudno dovedenih muslimanskih civila **udarali podesnim predmetima, a među njima kundacima pušaka, motkama, pendrecima, rukama i nogama**, nanoseći im velike patnje, kao i ozbiljne fizičke i psihičke povrede, pa je tako [REDACTED] usljed tih udaraca pukla lobanja i bio je obliven krvlju;
- b. dana 02.06.1992. godine, zajedno sa drugim neidentifikovanim osobama, ove preživjele muslimanske civile, njih oko 680, koji su izvedeni iz manjeg dijela hale i uvedeni u drugi veći dio hale gdje su bili ispitivani, a zatim su ih **Arapović Ivan, Arapović Milan, Pejić Kosta, Radić Božo, Savić Mile, Blagojević Mile, Pejić Ljubiša, Vasiljević Stevo i Pejić Branko**, zajedno sa drugim neidentifikovanim vojnicima, **pretukli tako što su formirali „špalir“ u dužini od desetak metara, a zatim su natjerali muslimanske civile da prođu kroz ovaj špalir te su ih pri tome udarali drvenim motkama, policijskim pendrecima, kablovima i drugim podobnim predmetima po glavi, prsima i drugim dijelovima tijela** nanoseći tačno individualno neutvrđenim od oko 700 prethodno imenovanih civila muslimanske nacionalnosti, velike patnje, kao i ozbiljne fizičke i psihičke povrede, pa je tako [REDACTED], nakon zadobivenog udarca u glavu drvenom palicom u predjelu čela, zadobio deformaciju čela i nastala je rupa koja je bila tolike dubine da je prst mogao stati u tu rupu, te na taj način tačno individualno neutvrđenim od oko 700 prethodno imenovanih civila muslimanske nacionalnosti, nanijeli velike patnje, kao i ozbiljne fizičke i psihičke povrede;

a komandant Zvorničke brigade VRS, potpukovnik **Blagojević Vidoje**, kao nadređena osoba pripadnicima Karakajske čete Zvorničke brigade Arapović Ivanu, Arapović Milanu, Pejić Kosti, Radić Boži, Savić Mili, Blagojević Mili, Pejić Ljubiši, Vasiljević Stevi i Pejić Branki, suprotno pravilima međunarodnog običajnog prava kao i odredbama zajedničkog člana 3.

[REDACTED]

Ženevskih konvencija od 12.08.1949. godine, kao i članova 146.⁴ i 147.⁵ Ženevske konvencije o zaštiti civilnih lica za vrijeme rata od 12.08.1949. godine, kao i odredbi Dopunskog protokola II uz Ženevske konvencije i to člana 4. stav 1. i stav 2. tačka a) i e), i člana 5. stav 1. tačka b) i d), te stav 2. tačka d) i e), te suprotno tački 2.⁶ Naredbe Predsjednika Predsjedništva Srpske Republike BiH o primjeni pravila međunarodnog ratnog prava u Vojsci Srpske Republike BiH, kao i članovima 26, 62, 64, 65, 66, 79, 82, 92, 93, 173. i drugih članova Zakona o Vojsci Srpske Republike Bosne i Hercegovine, **propustio je da poduzme nužne i razumne mjere s ciljem pokretanja postupka za kažnjavanje** ovih pripadnika Karakajske čete Zvorničke brigade zbog njihovog učinjenja krivičnog djela nečovječnog postupanja prema tačno individualno neutvrđenim od oko 700 prethodno imenovanih civila muslimanske nacionalnosti starosti od 15 do 70 godina, jer je imao razloga da zna da se njemu podređeni pripadnici Karakajske čete Zvorničke brigade VRS učinili ovo krivično djelo;

2. **učinili i pomogli u zatvaranju** ili drugom teškom oduzimanje fizičke slobode suprotno osnovnim pravilima međunarodnog prava **i nečovječnom postupanju** prema oko 700 prethodno imenovanih civila muslimanske nacionalnosti, a među kojima su bili [REDACTED]

[REDACTED] i drugi, i to tako da su Arapović Ivan, Arapović Milan, Pejić Kosta, Radić Božo, Savić Mile, Blagojević Mile, Pejić Ljubiša, Vasiljević Stevo i Pejić Branko dana 01.06.1992. godine bili u špaliru kroz koji su morali proći ovi muslimanski civili, a zatim su ih zajedno sa drugim neutvrđenim vojnicima usmjerili od kamiona do ulaza u malu halu TŠC-a u koju su ih zatvorili, a koja je bila premala za zatvaranje tako velikog broja civila, i u ovoj maloj hali su muslimanski civili bili nagurani kao sardine, nisu imali ležajeve, niti vode te su morali srušiti pregradu između dvije prostorije unutar tog dijela hale da bi došli do vode, niti su imali uslove za održavanje higijene, te je u tom dijelu hale vladala velika vrućina te su bili zatvoreni prozori i nije im omogućen ulazak svježeg zraka, a usljed ovih nečovjećnih uslova zatvaranja od gušenja i vrućine tokom prvog dana zatvaranja umrlo je oko 20 civila, a među njima i [REDACTED]

[REDACTED], Arapović Ivan, Arapović Milan, Pejić Kosta, Radić Božo, Savić Mile, Blagojević Mile, Pejić Ljubiša, Vasiljević Stevo i Pejić Branko usmjerili kretanje oko 680 preživjelih muslimanske civila iz te manje u drugi veći dio hale tjerajući ih da prođu kroz špalir u kojem su i oni stajali i da

[REDACTED]

udu u dio koji je ograđen žičanom ogradom, a zatim su u periodu od 02.06.1992. godine do 05.06.1992. godine, u tačno neutvrđenim smjenama, Arapović Ivan, Arapović Milan, Pejić Kosta, Radić Božo, Savić Mile, Blagojević Mile, Pejić Ljubiša, Vasiljević Stevo i Pejić Branko, naoružani automatskim i poluautomatskim oružjem i uz postavljena mitraljeska gnijezda oko TŠC-a i na platformi iznad hale unutar TŠC-a gdje su bili zatvoreni ovi muslimanski civili, zajedno sa drugim stražarima, vršili kontrolu i nadzor nad ovim muslimanskim civilima, te ih zatvorene čuvali u nečovječnim uslovima, iako ovi muslimanski civili nisu nikad optuženi, suđeni niti osuđeni za bilo koje krivično djelo, niti su im omogućena proceduralna prava vezana za određivanje i dužinu trajanja zatvaranja, nisu omogućili osnovne higijenske uslove, zbog čega se osjećao jak smrad, a do wc-a udaljenog 15-ak metara muslimanski civili su morali puzati na koljenima, prolazeći pored stola gdje su stajali stražari; nisu im davali potrebnu količinu vode; muslimanski zatvorenici nisu imali ležajeve niti prostirku, te je bilo jako malo prostora te su morali stajati, sjediti ili čučati na betonu pognute glave; nisu im davali dovoljnu količinu hrane, a ponekad su im bacali po par hljebova tako da su rijetki zatvoreni civila dobili po jedan zalogaj, a brojni nijedan, te se dešavalo da im bace metalnu konzervu, a pri tome im nisu davali otvarače, čime su kod zatvorenog civilnog muslimanskog stanovništva izazvali velike patnje, kao i ozbiljne fizičke i psihičke povrede;

a komandant Zvorničke brigade VRS, potpukovnik **Blagojević Vidoje**, kao nadređena osoba pripadnicima Karakajske čete Zvorničke brigade Arapović Ivanu, Arapović Milanu, Pejić Kostu, Radić Boži, Savić Mili, Blagojević Mili, Pejić Ljubiši, Vasiljević Stevi i Pejić Branki, suprotno pravilima međunarodnog običajnog prava kao i odredbama zajedničkog člana 3. Ženevskih konvencija od 12.08. 1949. godine, kao i članova 146. i 147. Ženevske konvencije o zaštiti civilnih lica za vrijeme rata od 12.08.1949. godine, kao i odredbi Dopunskog protokola II uz Ženevske konvencije i to člana 4. stav 1. i stav 2. tačka a) i e), i člana 5. stav 1. tačka b) i d), te stav 2. tačka d) i e), te suprotno tački 2. Naredbe Predsjednika Predsjedništva Srpske Republike BiH o primjeni pravila međunarodnog ratnog prava u Vojsci Srpske Republike BiH, kao i članovima 26, 62, 64, 65, 66, 79, 82, 92, 93, 173. i drugih članova Zakona o Vojsci Srpske Republike Bosne i Hercegovine, **propustio je da poduzme nužne i razumne mjere s ciljem pokretanja postupka za kažnjavanje** ovih pripadnika Karakajske čete Zvorničke brigade zbog njihovog učinjenja i pomaganja u nezakonitom zatvaranju ili drugom teškom oduzimanje fizičke slobode suprotno osnovnim pravilima međunarodnog prava te nečovječnom postupanju prema oko 700 prethodno imenovanih civila muslimanske nacionalnosti, jer je imao razloga da zna da se njemu podređeni pripadnici Karakajske čete Zvorničke brigade VRS učinili i pomogli u učinjenju ovih krivičnih djela;

3. **pomogli u nečovječnim djelima slične prirode učinjena u namjeri nanošenja velike patnje ili ozbiljne fizičke ili psihičke povrede ili narušenja zdravlja, prisilnom nestanku i ubistvu prema civilima muslimanske nacionalnosti, i to tako što su Arapović Ivan, Arapović Milan, Pejić Kosta, Radić Božo, Savić Mile, Blagojević Mile, Pejić Ljubiša, Vasiljević Stevo i Pejić Branko, kao stražari, u periodu od 02.06.1992. godine do 05.06.1992. godine, kao stražari, u suprotnosti sa članom 26. Zakona o Vojsci Srpske Republike Bosne i Hercegovine, kojim je bila propisana njihova dužnost da zaštite živote**

zatvorenih muslimanskih civila, te članom 64. stav 6) istog zakona kojim je bila propisana njihova dužnost da poduzmu potrebne mjere za čuvanje života i zdravlja zatvorenih civila, **propustili da zaštite živote i zdravlje** oko 680 zatvorenih muslimanskih civila u TŠC Karakaj jer iako su bili stražari u TŠC Karakaj, **nisu spriječavali** srpske vojnike [REDACTED]

[REDACTED] kao i druge srpske vojnike koji su do 02.06.1992. godine bili pripadnici TO Zvornik, a od 02.06.1992. godine bili su pripadnici Zvorničke brigade VRS, **da svakodnevno neometano ulaze** u dio TŠC-a gdje su bili zatvoreni ovi muslimanski civili, nakon čega su ovi i drugi neidentifikovani srpski vojnici prelaćivali zatvorene muslimanske civile, izvodili zatvorene muslimanske civile od kada se većini gubio svaki trag te ubijali zatvorene muslimanske civile, i to:

- prelaćivali zatvorene muslimanske civile nanoseći im velike patnje, kao i ozbiljne fizičke i psihičke povrede, i to tako da su:
 - ih većinu izvodili u susjednu prostoriju tzv. „*salu za prelaćivanje*“ te ih tamo tukli lancima, palicama, oružjem, a najviše držalima od lopata, krampi i slično, i to po tabanima, leđima, bubrezima, rukama i zglobovima, od kojih su neki gubili svijest, a među njima i [REDACTED], a među pretučenima su bili [REDACTED] [REDACTED], a dok su ih tukli čuli su se glasni jauci civila, a prostorija je bila puna krvi, te kada su vratili neke od njih, pretučeni muslimanski civili su sjedili ili ležali uz žicu iza ograde, a donji dijelovi njihovih nogu su bili crni od udaraca koje su dobili po stopalima i tabanima, a [REDACTED] nakon što su izvedeni, čula se dreka, vika i jaukanje, kao i to da [REDACTED] viče: „*Braćo šta radite*“?;
- izvodili zatvorene muslimanske civile od kada se većini gubio svaki trag, pa su tako:
 - prozivali imena imućnijih muslimanskih civila, a zatim ih odvodili njihovim kućama kako bi im oduzeli skriveno zlato, novac i druge vrijednosti, kao i skriveno lovačko naoružanje, te nakon toga većina tih odvedenih civila više nikad nije viđena živa a među njima i [REDACTED] koji je poslije ekshumiran iz masovne grobnice;
 - [REDACTED] tražio od stražara da mu daju 300 balija da ih ubije, a zatim je izveo 10 tačno individualno neutvrđenih od oko 680 prethodno imenovanih civila muslimanske nacionalnosti koji se nikada više nisu vratili;
 - [REDACTED], naredio zatvorenim muslimanskim civilima da se grupišu prema selima iz kojih su bili, a nakon što su to civili učinili, naredio im je da predaju naoružanje oni koji su ga imali, nakon čega je nekoliko individualno neutvrđenih ljudi iz Klise od oko 680 prethodno imenovanih civila muslimanske nacionalnosti, istupilo naprijed kao da su imali naoružanje, nakon čega su izvedeni i nikad više nisu živi viđeni;
 - Neidentifikovani vojnici naveli da im treba 25 muškaraca za razmjenu, te se javio [REDACTED] i još 24 tačno individualno neutvrđenih od oko 680 prethodno imenovanih civila muslimanske nacionalnosti muslimanskih civila, a koji nakon toga

izvedeni i nisu nikad više živi viđeni, a poslije rata je ekshumirano tijelo [REDACTED]

- Izvedeni su [REDACTED], nakon čega ni [REDACTED] nisu vraćeni u halu kod ostalih civila niti su ikad viđeni živi;
- ubijali zatvorene muslimanske civile, pa je tako:
 - [REDACTED] se pobunio zbog uslova u kojima su se nalazili, nakon čega su ga izveli u susjednu prostoriju, kao i [REDACTED] koji ga je pokušao zaštititi, te su ih nakon toga rafalnom paljbom ubili, a potom su se oni zatvoreni civili kojima je naređeno da prostoriju počiste, vratili i naveli da su bila oba mrtva i zagrljena;
 - pitali ko gradi džamije, a kada je neko odgovorio da je to [REDACTED] i pokazao na njega, jedan od tih vojnika je prišao [REDACTED] i ispalio nekoliko metaka iz pištolja u njega i pred ostalim zatvorenim civilima ga ubio;
 - neki preživjeli tačno individualno neutvrđeni od oko 680 prethodno imenovanih civila muslimanske nacionalnosti su birani da iznesu tijela ubijenih muslimanskih civila iz hale te da ih utovare na kamion, a zatim se često ni oni nisu vraćali;

tako da je u periodu od 01.06. do 05.06.1992. godine izvedeno te im se izgubio svaki trag ili ubijeno više od 150 zatvorenih muslimanskih civila, a među njima su bili i [REDACTED]

[REDACTED], a ubijene je prevezio [REDACTED] od TŠC u Karakaju do tzv. Gerine klaonice, u "Tamiću" [REDACTED], registarskih oznaka [REDACTED], a ponekad su leševe na kamion tovarili i zatvoreni muslimani iz TŠC-a koji su išli sa njim i do Gerine klaonice, a zatim ih je vraćao, kao i na dva kamiona od kojih je jedan bio plave a drugi žute boje, koji su odvezli kamione pune leševe a zatim ih zakopali na različitim lokacijama, a među njima i 69 ubijenih koji su sahranjeni u masovnu grobnicu na području Jardana - Grbavac (Berbića mezarje), kao i u primarnu masovnu grobnicu u Šahbegovićima, te drugim dosad neutvrđenim lokacijama, od kojih je primarna grobnica iz Šahbegovića izmješšana tokom 1995/1996. godine u sekundarnu grobnicu na Crni Vrh, tako da su u primarnoj grobnici u Šahbegovićima pronađeni dijelovi 93 ekshumirana tijela od kojih je 5 identifikovano, a u sekundarnoj grobnici na Crnom vrhu, od ukupno 629 pronađenih tijela, 481 su bili kompletna tijela a 148 dijelovi tijela od kojih je 536 identifikovano, a od ovih 536 identifikovanih, 308 leša su bili oni muslimanski civili koji su odvedeni na Bijelom Potoku dana 01.06.1992. godine te više nikada nisu viđeni živi, tako da je do sada pronađeno i identifikovano oko 422 muslimanska civila odvojena na Bijelom Potoku dana 01.06.1992. godine, dok 245 ubijenih još uvijek nije pronađeno,

a komandant Zvorničke brigade VRS, potpukovnik **Blagojević Vidoje**, kao nadređena osoba pripadnicima Karakajske čete Zvorničke brigade Arapović Ivanu, Arapović Milanu, Pejić Kostu, Radić Boži, Savić Mili, Blagojević Mili, Pejić Ljubiši, Vasiljević Stevi i Pejić Branki, kao i drugim srpskim vojnicima a među njima i [REDACTED]

[REDACTED], suprotno pravilima međunarodnog običajnog prava kao i odredbama zajedničkog člana 3. Ženevskih konvencija od 12.08. 1949. godine, kao i članova 146. i 147. Ženevske konvencije o zaštiti civilnih lica za vrijeme rata od 12.08.1949. godine, kao i odredbi

Dopunskog protokola II uz Ženevske konvencije i to člana 4. stav 1. i stav 2. tačka a) i e), i člana 5. stav 1. tačka b) i d), te stav 2. tačka d) i e), te suprotno tački 2. Naredbe Predsjednika Predsjedništva Srpske Republike BiH o primjeni pravila međunarodnog ratnog prava u Vojsci Srpske Republike BiH, kao i članovima 26, 62, 64, 65, 66, 79, 82, 92, 93, 173. i drugih članova Zakona o Vojsci Srpske Republike Bosne i Hercegovine, **propustio je da poduzme nužne i razumne mjere s ciljem pokretanja postupka za kažnjavanje** ovih pripadnika Karakajske čete i drugih pripadnika Zvorničke brigade zbog njihovog pomaganja i učešća u nečovječnim djelima slične prirode učinjena u namjeri nanošenja velike patnje ili ozbiljne fizičke ili psihičke povrede ili narušenja zdravlja, prisilnom nestanku i ubistvu prema oko 700 prethodno imenovanih civila muslimanske nacionalnosti, jer je imao razloga da zna da su njemu podređeni pripadnici Karakajske čete i drugi srpski vojnici pripadnici Zvorničke brigade VRS, a među njima i [REDACTED] pomogli i učinili ova krivična djela;

Čime su počinili:

- **osumnjičeni Arapović Ivan zv. „Šicer“, Arapović Milan zv. „Top“, Pejić Kosta zv. „Burek“, Radić Božo zv. „Bobo“, Savić Mile zv. „Cuko“, Blagojević Mile zv. „Patak“, Pejić Ljubiša zv. „Čađo“, Vasiljević Stevo zv. „Kuružnjak“, Pejić Branko** krivično djelo „Zločini protiv čovječnosti“ iz člana 172. stav 1.:
 - tačka k) (*druga nečovječna djela slične prirode, učinjena u namjeri nanošenja velike patnje ili ozbiljne fizičke ili psihičke povrede ili narušenja zdravlja*), u vezi sa članom 29. (saučiniteljstvo) i članom 180. stav 1. Krivičnog zakona BiH, opisano pod tačkom II.A.1. a. i b. ove optužnice;
 - tačka e) (*zatvaranje ili drugo teško oduzimanje fizičke slobode suprotno osnovnim pravilima međunarodnog prava*) i tačka k) (*druga nečovječna djela slične prirode, učinjena u namjeri nanošenja velike patnje ili ozbiljne fizičke ili psihičke povrede ili narušenja zdravlja*), u vezi sa 29. (saučiniteljstvo), članom 31. (pomaganje) i članom 180. stav 1. Krivičnog zakona BiH, opisano pod tačkom II.A.2 ove optužnice;
 - tačka k) (*druga nečovječna djela slične prirode, učinjena u namjeri nanošenja velike patnje ili ozbiljne fizičke ili psihičke povrede ili narušenja zdravlja*), tačka l) (*prisilni nestanak osoba*) i tačka a) (*lišenje druge osobe života (ubistvo)*), u vezi sa članom 31. (pomaganje) i članom 180. stav 1. Krivičnog zakona BiH, opisano pod tačkom II.A.3 ove optužnice;
- **a osumnjičeni Blagojević Vidoje** krivično djelo „Zločini protiv čovječnosti“ iz člana 172. stav 1.:
 - tačka k) (*druga nečovječna djela slične prirode, učinjena u namjeri nanošenja velike patnje ili ozbiljne fizičke ili psihičke povrede ili narušenja zdravlja*), u vezi sa članom 180. stav 2. Krivičnog zakona BiH, opisano pod tačkom II.A.1. a. i b. ove optužnice;
 - tačka e) (*zatvaranje ili drugo teško oduzimanje fizičke slobode suprotno osnovnim pravilima međunarodnog prava*) i tačka k) (*druga nečovječna djela slične prirode, učinjena u namjeri nanošenja velike patnje ili ozbiljne fizičke ili psihičke povrede ili narušenja zdravlja*), u vezi sa članom 180. stav 2. Krivičnog zakona BiH, opisano pod tačkom II.A.2 ove optužnice;
 - tačka k) (*druga nečovječna djela slične prirode, učinjena u namjeri nanošenja velike patnje ili ozbiljne fizičke ili psihičke povrede ili narušenja zdravlja*), tačka l) (*prisilni nestanak osoba*) i tačka a) (*lišenje druge osobe života (ubistvo)*), u vezi sa članom 180. stav 2. Krivičnog zakona BiH, opisano pod tačkom II.A.3 ove optužnice.

B. Osumnjičena Radović Verica

Dana 01.06.1992. godine u poslijepodnevniim satima, ispred prostorija TŠC u Karakaju – općina Zvornik, postupala suprotno pravilima međunarodnog humanitarnog prava, i to kršeći odredbe zajedničkog člana 3. stav 1. tačka a) Ženevskih konvencija od 12.08.1949. godine, člana 147. Ženevske konvencije o zaštiti civilnih lica za vrijeme rata od 12.08.1949. godine, kao i člana 4. i stav 2. tačka a) Dopunskog protokola II uz Ženevske konvencije i to tako što je došla ispred prostorija TŠC-a, nakon čega su joj stražari izveli dvojicu zatvorenih muslimanskih civila iz prostorija TŠC-a, a zatim joj je jedan od stražara dao repetiran pištolj u ruku iz kojeg je zatim Radović Verica, svjesno i voljno, pucala i iz neposredne blizine ubila dvojicu zarobljenika i to [REDACTED], iz osвете jer je njen [REDACTED] ubijen [REDACTED] 1992. godine u [REDACTED] Zvorniku;

Čime je počinila:

krivično djelo „Zločini protiv čovječnosti” iz člana 172. stav 1. tačka a) (*lišenje druge osobe života (ubistvo)*) u vezi sa članom 180. stav 1. Krivičnog zakona BiH, opisano pod tačkom II.B. ove optužnice.

Tužilac Tužilaštva BiH
